

Ilanngussaq 1

Suliffeqarfiit pilersuisuusut innaallagissiuutinit ataavartunit akigititaasunik naatsorsuisarnerinut tunngavissat

Ilanngussami matumani nalunaarummi § 12-imi suliffeqarfiit pilersuisuusut akinik akiligassiissutissanik qanoq naatsorsuisarnissaannut tunngavissat aalajangersarneqarput..

Nukissamik pilersuinermut peqqussummi allassimavoq, innaallagissamik suliffeqarfimmut pilersuisuusumut tunisinermut akit nukissamik pilersuinermi aningaasartuutit sipaakkat tunngavigalugit aalajangersarneqartussaasut. Akinik naatsorsuinermi ikummatissamik atuineq, suliffeqarfiup pilersuisuusup innaallagissiorfimmi dieselitortumi innaallagissiornermut atugaa tunngavigineqassaaq. Innaallagissiorfiup innaallagissiornerani ikummatissap pissarsissutaasinnaanerata (naammassineqarsinnaassutsip) qanoq annertutiginera ikummatissamik atuinermut apeqqutaavoq.

Aki akilersinneqartussaq kilowatt/time-mut (kWh) koruuninngorlugu aalajangersarneqassaaq. Suliffeqarfiit nukissamik pilersuisuusut akit akilersinneqartussat akinik allattuiffimminnut, sukkulluunniit atuuttunut allassavaat. Suliffeqarfiit pilersuisuusut innaallagissamut akinik iluarsisarnerat ilutigalugu akit ingerlaavartumik iluarsisassavaat. Akit innaallagissamut akit peqatigalugit Naalakkersuisunit akuerineqartassapput.

Suliffeqarfiit pilersuisuusut qanoq akulikitsigisumik innaallagissiorfimmi ikummatissap pissarsissutaasinnaanera naatsorsortassanerlugu namminneerlutik aalajangissavaat.

Iikummatissamut aningaasartuutini Polaroil-ip akigititai sukkulluunniit atuuttut tunngavigineqartarput, tassungalu pilersuinermut aningaasartuutit toqqaannartuusinnaasut, pilersuinerup annertussusia apeqqutaatillugu annertussuseqartut ilanngunneqartariaqarput.

Suliffeqarfiit pilersuisuusut periaatsit marluusut, matuma kinguliani nassuiarneqartut tunngavigalugit akit aalajangersarsinnaavaat:

1) Nukissiuutit ataavartut atorlugit innaallagissiamut akit *atuinermi naammassisaqarsinnaassutsit aalajangersimasut* tunngavigalugit aalajangersarneqarsinnaapput, tassanilu ikummatissap, 1kWh-mik innaallagissiornermi atorineqartup annertussusia (gramminngorlugu), ikummatissap atorineqartup initussusianut avillugu nassuiarneqassaaq.

$$\frac{\text{Ikummatissap atorineqartup initussusia (literimut gramminngorlugu)}}{\text{Ikummatissaq 1 kWh-mik innaallagissiornermut atorineqartoq (kWh-mut gramminngorlugu)}} = \frac{\text{Atuinermi naammassisaqarsinnaassuseq aalajangersimasoq}}{\text{Atuinermi naammassisaqarsinnaassuseq aalajangersimasoq}}$$

Iikummatissap 1kWh-mik innaallagissiornermut atorineqartup annertussusianut, suliffeqarfiup pilersuisuusup innaallagissiornermut naatsorsuutitigut kisitsisaatai tunngavigineqassapput.

Suliffeqarfiup pilersuisuusup illoqarfinni nunaqarfinnilu ataasiakkaani atuinermi naammassisaqarsinnaassuseq naatsorsorsinnaavaa, imaluunniit suliffeqarfik suliffeqarfimmi

ikummatissamik atuinermi naammassisaqarsinnaassutsip anguneqartup agguaqatigiissitsineq tunngavigalugu kisitsisinik agguaqatigiissitsinernik naatsorsuisinnaavoq.

Ikummatissap atorneqartup annertussusia ikummatissamut literimut akiumut agguarneqassaaq, taamaalillunilu 1 kWh-mut akiumut paasineqassaaq.

$$\frac{\text{Ikummatissap atorneqartup akia}}{\text{Naammassisaqarsinnaassuseq}} = \frac{\text{kWh-mut akiumut}}{\text{koruuninngorlugu}}$$

Tassani Polaroil-ip ikummatissamut atorneqartumut literimut akigititai tunngavigineqarput.

2) Aamma suliffeqarfiup pilersuisuusup akigititaminut una tunngavigisinnaavaa:

$$\frac{\text{Gasoliamut literimut akiumut}}{\text{koruuninngorlugu}} = \frac{\text{kWh-mut akiumut}}{\text{koruuninngorlugu}}$$

3,818

Tassani Polaroil-ip gasoliamut (dieselolie) literimut akigititai tunngavigineqarput

”3,818”-p taaneqarnerani, 2012-imi Nukissiorfiit innaallagissiornermini diesel fuel arctic-imik atuinerani ikummatissaq atorlugu naammassineqarsinnaassutsimik agguaqatigiissitsineq tunngavigalugu aalajangersaasoqarpoq.